



almannaheill
samtök þriðja geirans

Aðalfundur Almannaheilla, samtaka þriðja geirans, haldinn fimmtudaginn 2. júní kl. 15.30 í húsi Krabbameinsfélagsins við Skógarhlíð 8 í Reykjavík.

Fundargerð

Dagskrá fundarins var samkvæmt 6. gr. laga samtakanna.

Fundinn sátu 28 fulltrúar frá 20 aðildarfélögum.

1. Jónas Guðmundsson, formaður Almannaheilla setti fundinn, bauð fundarfólk velmið og bar upp tillögu um Breka Karlsson sem fundarstjóra og Árna Einarsson sem ritara. Tillagan var samþykkt samhljóða.

2. Fundarstjóri tók við stjórn fundarins, þakkaði traustið og fór yfir dagskrá fundarins. Því næst bauð hann gesti fundarins velkomna, þá Guðmund Inga Guðbrandsson, félags- og vinnumarkaðsráðherra, sem einnig er ráðherra norrænna samstarfsmála; Steindór Gunnlaugsson, formann styrktar- og líknarsjóðs Oddfellowreglunnar og Eirík Björn Björgvinsson, sviðsstjóra fræðslu- og menningarsviðs Garðabæjar. Eiríkur komst ekki á fundinn fyrr en kl. 16:25.

Guðmundur Ingi Guðbrandsson þakkaði fyrir boð um að ávarpa fundinn. Í ávarpi sínu rakti ráðherra meðal annars tengsl sín við þriðja geirann sem framkvæmdastjóri Landverndar á sínum tíma og sagðist í stól sínum sem félagsmálaráðherra upplifa á nýjan leik þann mikla kraft sem býr í félagasamtökum. Hans sæi ekki síst stað í velferðarmálum og frumkvæði í að takast á við ýmsar félagslegar áskoranir. Sagði hann hlutverk félagasamtaka í að ryðja þar brautina mikilvægt. Ráðherra ræddi ný lög um félög til almannaheilla og breytingar á skattalögum, sem samþykkt voru á Alþingi á síðasta ári og sagði þar felast ýmis tækifæri fyrir almannaheillasamtök; auk þess fælist í þeim viðurkenning stjórnvalda á því mikla og góða starfi sem unnið er á vettvangi félagsamtaka. Ræddi hann einnig norrænt samstarf, mikilvægi þess og möguleikana sem felast í breiðri samstöðu bæði innan lands og yfir landamæri.

Steindór Gunnlaugsson þakkaði fyrir boðið á fundinn. Sagði hann frá starfi reglunnar og stuðning hennar við margvísleg samfélagsleg verkefni, meðal annars stuðning hennar við Almannaheill. Reglan færði í janúar 2021 Almannaheillum nýtt skrifstofuhúsnæði til afnota í Urriðaholti 14 án leigugjalds til loka árs 2023. Óskaði hann Almannaheillum velfarnaðar í starfi sínu.

Eiríkur Björn Björgvinsson afsakaði síðbúna komu sína á fundinn sem væri vegna anna á öðrum vettvangi. Sagði hann frá samstarfsverkefni Almannaheilla og Garðabæjar sem unnið er að um samfélagslega nýsköpun. Sagði hann sveitarfélagið hlakka til samstarfsins, ekki síst í ljósi þess að í verkefninu er mikil áherslu lögð á velferð barna og ungmenna sem færi vel við stefnu Garðabæjar.

3. Jónas Guðmundsson, formaður Almannaheilla, flutti skýrslu stjórnar. Fjallaði hann meðal annars um ýmis áhrif heimsfaraldursins á starfsemi Almannaheilla og félagasamtaka almenn og sagði frá yfirstandandi rannsókn á þeim áhrifum. Fagnaði hann nýjum lögum um félög til almannaheilla og breytingar á skattalögum sem geta haft mikil og jákvæð áhrif á fjárhagslegan rekstur félagasamtaka. Jónas fór yfir helstu verkefni samtakanna á síðasta starfsári, meðal annars fund fólksins, Heimsmarkmið Sameinuðu þjóðanna, námskeið á vegum Almannaheilla, norrænt samstarf, samtarf við Vaxandi - miðstöð um samfélagslega nýsköpun í Háskóla Íslands og ræddi um félagslega nýsköpun og eflingu þriðja geirans. Í niðurlagi skýrslunnar sagði Jónas að í vaxandi mæli væri horft til Almannaheilla varðandi ýmis mál þriðja geirans. Sagði hann, meðal annars þess vegna, mikilvægt að

almannaheillasamtök stæðu vel saman og væru samtaka í að efla þriðja geirann. Sjá að öðru leyti skýrslu stjórnar í viðhengi.

4. Skýrsla um fjárhag samtakanna Guðlaug B. Guðjónsdóttir, gjaldkeri kynnti ársreikning ársins 2021. Sjá ársreikning Almannaheilla 2021 í viðhengi.

5. Í umræðu um skýrslu stjórnar og ársreikning kom fram til frekari skýringar frá stjórn að alheimsfaraldurinn hefði orðið til þess að ýmsum verkefnum sem til stóð að vinna á síðasta starfsári hefði þurft að fresta, meðal annars ráðningu starfsmanns. Af þeim sökum hefði varasjóður samtakanna vaxið. Nú horfir til betri vegar og nokkrum verkefnum lokið og búið að tryggja starfsmannamál, að minnsta kosti tímabundið, í samstarfi við Norræna félagið.

Að umræðu lokinni bar fundarstjóri upp reikning samtakanna sem samþykktur var samhljóða.

6. Þóra Þórarinsdóttir hafði framsögu fyrir hönd uppstillingarnefndar og kynnti tillögu nefndarinnar. Auk hennar situr Guðrúna Helga Bjarnadóttir í nefndinni. Tillaga nefndarinnar var eftirfarandi:

Jónas Guðmundsson, formaður (Neytendasamtökin) - Kjörinn til eins árs (2022 – 2023).

Árni Einarsson (FRÆ-Fræðsla og forvarnir) - Kjörinn til tveggja ára 2021 (2021-2023) - ekki til kjörs nú.

Guðlaug B. Guðjónsdóttir (Krabbameinsfélag Íslands) - Kjörin til tveggja ára (2022-2024).

Ingveldur Jónsdóttir (Öryrkjabandalag Íslands) - Kjörin til tveggja ára (2022-2024).

Hildur Helga Gísladóttir (Kvenréttindasamband Íslands) - Kjörin til tveggja ára (2022-2024).

Laufey Guðmundsdóttir (Kvenfélagasamband Íslands) - Kjörin til tveggja ára 2021 (2021-2023) – ekki til kjörs nú.

Vilmundur Gíslason (Þroskahjálp) - Kjörinn til tveggja ára 2021 (2021 – 2023) – ekki til kjörs nú.

Varastjórn (kjörin til eins árs, 2022 – 2023):

Ásdís Eva Hannesdóttir (Norræna félagið)

Guðrún Helga Harðardóttir (Einstök börn)

Sigmar Þór Ármannsson (Geðhjálp)

Arnar Ævarsson (Heimili og skóli)

Tryggvi Axelsson (ADHD samtökin)

Jón Aðalsteinn Bergsveinsson (UMFÍ)

Tómas Ingi Torfason (KFUM og K)

Skoðunarmenn reikninga, trúnaðarmenn (kjörnir til eins árs)

Einar Haraldsson (Ungmennafélag Íslands)

Vilhjálmur Bjarnason (Samtök sparifjáreigenda)

Þóra Þórarinsdóttir (Ás styrktarfélag) til vara

Ekki komu fram aðrar tillögur um fulltrúa í stjórn, varastjórn og skoðunarmenn reikninga.

Kosið var um formann sérstakalega, samkvæmt samþykktum félagsins. Tillaga uppstillingarnefndar samþykkt samhljóða með lófataki.

Tillaga uppstillingarnefndar um aðra sex fulltrúa í stjórn samþykkt samhljóða með lófataki.

Tillaga uppstillingarnefndar um sjö fulltrúa í varastjórn samþykkt samhljóða með lófataki.

Tillaga uppstillingarnefndar um skoðunarmenn reikninga, trúnaðarmenn, samþykkt samhljóða með lófataki.

7. Gjaldkeri félagsins, Guðlaug Birna Guðjónsdóttir mælti fyrir tillögu um óbreytt félagsgjald. Félagsgjaldið er veltutengt, það er fer eftir veltu félaganna: 150.000 krónur, 75.000 krónur og 30.000 krónur. Tillagan var samþykkt samhljóða.

8. Árni Einarsson hafði framsögu um tillögur stjórnar að breytingum á samþykktum félagsins. Varðandi 3. grein í tillögunum var kosið um tvo kosti og var kostur b. samþykktur. Í umræðum um tillögurnar kom fram viðbótartillaga um að bæta við í lok 8. greinar eftirfarandi: Stjórn setur sér starfsreglur. Viðbótartillagan var samþykkt samhljóða.

Tillaga stjórnar var að teknu tilliti til þess sem að framan greinir var svo borin upp í einu lagi og samþykkt samhljóða.

9. Undir liðnum önnur mál var eftirfarandi til umfjöllunar:

a. Jónas Guðmundsson formaður mælti fyrir tillögu um siðareglur Almannaheilla sem send var aðildarfélögunum ásamt öðrum aðalfundargögnum. Tillagan var samþykkt samhljóða.

b. Vilmundur Gíslason upplýsti um samþykki stjórnar á aðild þriggja nýrra aðildarfélaga. Stjórnin hefur yfirfarið umsóknir félaganna og metur svo að þau uppfylli öll kröfur sem gerðar er um aðild að Almannaheillum.

Nýju félögin eru: Skógaræktarfélag Íslands, Félag fósturforeldra og Félag um foreldrajafrétti.

Fundarstjóri afhenti endurkjörnum formanni, Jónasi Guðmundssyni, stjórn fundarins. Jónas þakkað traustið sem honum væri sýnt með formannskjörinu, þakkaði fulltrúum fundarsetuna og sleit fundi kl. 17:47.

Fundargerð ritaði Árni Einarsson.